

Que te preste, ye un Muséu





Foto de Roberto Tolín

### El MUJA, un edificiu emblemáticu

El Muséu del Xurásicu d'Asturias (MUJA) ye un singular edificiu, con forma de buelga tridáctila de dinosauriu, qu'acueye una muestra bien completa del XURÁSICU ASTURIANU.


### La costa de los dinosaurios

Llevantáu na rasa de San Telmo, ente les localidaes de Colunga y Llastres, el MUJA asitia nun punto estratéxicu de la denominada Costa de los Dinosaurios. Esti sector de la costa asturiana, que va dende Xixón hasta Ribeseya, guarda los resclavos d'unos seres estintos que poblaron la nuestra rexón va unos 154 millones d'años, demientres la última parte del Xurásicu.

A lo llargo d'esti tramu de costa pueden visitase nueve xacimientos d'icnites de dinosaurios.



Sala del TRIÁSICU



Sala del XURÁSICU



Sala del CRETÁCICU

### La esposición permanente del MUJA

L'edificiu consta de trés grandes árees, caúna de les cuales ta dedicada a unu de los periodos nos que se divide'l MESOZOICU: **TRIÁSICU, XURÁSICU Y CRETÁCICU**.

A lo llargo del percorriu pola esposición, na que'l filo conductor ye'l tiempu, ufiértase una amplia información sobre distintos aspectos de la vida de los dinosaurios, grupu particular de reptiles terrestres qu'apaecieron fai unos 230 millones d'años y desapaecieron, na so mayoría, fai 66 millones d'años.

El conxuntu compleméntase con trés módulos más: ún dedicáu a esplicar dellos aspectos xenerales sobre la xeoloxía y la paleontoloxía y los dos restantes a la historia xeolóxica del Xurásicu d'Asturias y los sos xacimientos de fósiles.



Nivel 0

## Sala del PREMESOZOICU

Nesta sala ta representáu'l tiempu trescurriú dende la formación de la Tierra, hai unos 4.600 millones d'años, hasta'l final de la Era Paleozoica, 252 millones d'años atrás.

Ente otros aspectos, figuren los primeros organismos que poblaron la Tierra, indicaciones pa entender qué ye y cómo se forma un fósil, mesmo que los métodos pa determinar la so edá.

Tamién s'incluí nesti espaciu una clasificación de los vertebrados y les sos rellaciones de parentescu. L'empiezu de la vida na Tierra tuvo llugar hai unos 3.500 millones d'años; dende entós el nuestro Planeta experimentó importantes cambeos que permitieron el so desarrollu y diversificación, mentanto qu'otros organismos resultaron perxudicaos y foron conducíos en munchos casos a la desapaición.

La estinción que se produz a últimos del Paleozoicu foi la más devastadora, porque se desaniciaron el 96 % de los organismos.



## Sala del TRIÁSICU

El TRIÁSICU, dende 252 hasta los 201 millones d'años, constitúi'l periodu nel qu'apaecrieron los dinosaurios. Esta sala amuesa la bioloxía d'estos fabulosos reptiles, que se reconstruí non solo a partir de los sos güesos, sinón tamién de les buelgues de pisada o icnites, gastrolitos (piedres qu'inixeríen dellos dinosaurios pa triturar los alimentos nel estómagu), coprolitos o escrementos fósiles, güevos y niales. Amás, preténdese que l'espectador sí capaz de percibir la diferencia qu'hai ente un dinosauriu y otros reptiles.

Como representantes característicos d'esti períodu escoyéreronse los dinosaurios más antiguos, meyor conocíos y de mayor tamañu de la so dómina qu'esistieron n'Europa: los **Plateosaurus**.

Otru espaciu de la sala ta destináu a los xacimientos de Monreal-Alcover, asitiaos na Sierra de Prades (Tarragona).

Nuna de les parés de la rampla perimetral de la sala amuésense, amás, dellos retratos de prestixosos investigadores relacionaos col mundu de los dinosaurios.



Nivel 1



Foto de Juanjo Arrojo

## Sala del XURÁSICU

El Xurásicu constitúi'l periodu que ta metanes del Mesozoicu (ente los 201 y los 145 millones d'años); el terciu final del mesmu considérase una de les dómines de máximu esplendor de los dinosaurios, especialmente de los grandes saurópodos.

La información básica que pretende tresmitise al visitante nesta sala céntrase na clasificación y nes rellaciones de parentescu ente estos singulares reptiles representaes per aciu d'un cladograma, mesmo que na definición de los rasgos más característicos de los principales grupos.

L'área dedicada a los saurópodos afítase de mou especial n'estremos aspectos anatómicos tales como'l pesu, suxección del cuelu, musculatura de

los brazos, aparatu circulatoriu y tamañu relativo del craniu.

L'área de los terópodos ta enfocada nos elementos ofensivos de los dinosaurios, principalmente dientes y garres.

La parte expositiva dedicada a los ornitópodos céntrase naquellos rasgos morfolóxicos más rellacionaos cola so dieta vexetariana: focicu ensin dientes, bateríes dentaries, güesos del craniu móviles, desarrollo de carriellos y presencia de pezuñas nos pies.

Nel espaciu dedicáu a los tireóforos contémplense los principales elementos defensivos d'esti grupu de dinosaurios frente a los depredadores: escudos

óseos, espines, maces caudales, etc.

La parte central de la sala ta ocupada pola cadarma d'un *Camarasaurus*, dinosauriu saurópodo de gran tamañu, frecuente nos xacimientos del centru y oeste de los Estaos Xuníos. Alredor del mesmu, reproduzse, nun gran panel curvu, el so aspectu en vida y el del ecosistema nel que taba integráu.

Na paré de la rampla qu'arrodia la sala central hai un espaciu dedicáu a los famosos xacimientos de Hozmaden, n'Alemaña. Nél espónse un panel retroillumináu que representa una reproducción del ecosistema de vertebrados marinos xurásicos, ente los que s'atopen grandes reptiles como ictiosaurios y plesiosaurios, cocodrilos y pexes.

Nuna vitrina axacente amuésense amás réplicas de la cadarma d'un ictiosauriu (reptil pisciforme asemeyáu a un golfín) y la d'un lliriu de mar o crinoideu.



Foto de Juanjo Arrojo





Foto de Álvaro García-Ramos

## Sala del CRETÁCICU

El Cretáciu, últimu períodu del Mesozoicu, va dende 145 hasta los 66 millones d'años. Nesta sala'l visitante va tener accesu a información sobre'l comportamientu de los dinosaurios; conocemos, por exemplu, aspectos de la so reproducción (ponen los güevos en niales) o sobre'l so comportamientu social.

Trátase amás equí'l tema de la estinción de la mayoría de los dinosaurios de resultes d'un cúmulu d'acontecimientos que tuvieron llugar a finales del Cretáciu: impactu d'un meteoritu, erupciones volcániques y intensos cambeos xeográficos y climáticos.



Nivel 0 y 1

Unu de los espacios espositivos ta dedicáu espresamente al tránsitu ente los dinosaurios non avianos y les aves. Dende va años vien considerándose a estes últimos como un grupu especializáu de terópodos, hipótesis basada nes semeyances evolutives que presenta'l *Archaeopteryx* (ave primitiva) y dalgunos dinosaurios como *Deinonychus* o *Dromaeosaurus*.

Como representantes d'esti períodu, y ocupando'l círculu central de la sala, escoyése a una pareya de *Tyrannosaurus rex*, unu de los mayores depredadores terrestres na hestoria del nuestro planeta.

Nuna de les ramples llaterales de la sala reproducése l'escepcional xacimientu de Las Hoyas, en Cuenca. El barriu calcareu que s'atropó nes orielles y no fondero d'un antiguo llagu permitió la escepcional conservación de multitud de fósiles, ente los que destaqueñ ciertes aves primitives y restos óseos de dellos dinosaurios terópodos como *Pelecanimimus*.



## Sala d'Introducción al XURÁSICU ASTURIANU

Los afloramientos más espectaculares con peña del Xurásicu na rexón espárdense de forma cuasiamente continua ente Xixón y Ribeseya, no que se conoz como "La Costa de los Dinosaurios".

La peña axúntase en conxuntos llamaos formaciones. La representación gráfica d'ello, ordenao verticalmente de más viejo a más moderno, conozce como columna estratigráfica. Cada Formación recibe'l nome del llugar o accidente xeográfico más averáu al sitiu onde esta peña amuesa les mejores condiciones pal so estudiu; nel casu del XURÁSICU ASTURIANU seríen Xixón, Rodiles, Vega, Tereñes y Llastres.

La distribución de tierra y mar nel Xurásicu Inferior y Superior, amás de la localización d'Asturies naquellos momentos, pue observase nún de los paneles retroiluminaos d'esta sala. A primeros del Xurásicu empezó a xebrase'l supercontinente Panxea y abrieron les primeres vías d'agua ente los continentes norteamericano y euroasiático que constituyeron el niciu del océanu Atlánticu actual.

Los cambeos paleoxeográficos que se dieron de contiuo na nuestra rexón a lo llargo de los 56 millones d'años que duró'l XURÁSICU, condicionaron l'alternancia d'étapes nes qu'asturias tuvo cubierto pola mar, riques en fósiles d'invertebraos y de reptiles marinos, con otros nes que la retirada de la mar dio pasu



a ecosistemes terrestres y llitorales dominaos por dinosaurios, cocodrilos, tortugues y pexes. Naquella dómina, los reis indiscutibles del aire yeran los reptiles esnaladores (pterosaurios).

¿Sabíes que'l conxuntu de buegues de dinosaurios del MUJA representa la mejor colección d'Europa y la tercera a nivel mundial nun muséu? Esto ye non solo pol estáu de conservación tan escelente de munches d'elles, sinón tamién pola so diversidá y el número tan altu d'exemplares recogíos.

Nesta sala puen contemplase amás delles pieces escepcionales del Xurásicu asturianu tanto de vertebrados (dinosaurios y otros reptiles) como d'invertebraos.



Nivel 0

## Sala del XURÁSICU ASTURIANU

Nel percorríu inicial d'esta sala amuésense, en términos xenerales, los conxuntos de peña (formaciones) y fósiles representativos de los ambientes qu'existieron n'Asturias a lo llargo d'esti periodu del Mesozoicu. Destaquin equí múltiples exemplares d'invertebraos como ofiuress, braquiópodos con petroleu, esponxes, bivalvos, ammonites, etc. Tamién puen contemplase les impresiones de gotes d'agua y delles especies vexetales.

La vitrina dedicada a los de fósiles de vertebráos xurásicos enseña una mínima parte de les buelgues de pisaeys y restos óseos que formen parte de los fondos del MUJA (espónense alredor de 200 fósiles); esti conxuntu ye'l mejor y más completu rexistru fósil del territoriu español pa esti periodu. Destaquin sobre manera les icnites d'estegosauroides, alguna con impresiones de la pelleya, relativamente escases a nivel mundial, les buelgues de reptiles esnaladores opterosauroides, una ulna (equivalente al nuestro cúbitu) de 1,25 m de llargor perteneciente a un saurópodo escomanáu, amás de dellos güesos d'estegosauroides, la cadarma d'un cocodrilu marín o'l craniu y cascú d'una tortuga. Amás, nesta vitrina, espónse la reproducción d'un rastru de



Foto de Álvaro García-Ramos

dinosauriu bípedu nel que se representen dellos parámetros útiles pa reconocer diversos aspectos sobre les características y el comportamientu d'estos reptiles tan abducantes.

N'otru de los espacios amuésase l'aplicación industrial de dellos materiales xurásicos como l'acebache, una de les xoyes más preciaes na cultura tradicional asturiana, o les variedaes de peña usaes na rexón, dende va sieglos, pa la construcción d'edificios.

La situación de los xacimientos d'icnites de "La Costa de los Dinosaurios" pue contemplase nuna semeya aérea asitiada enriba d'un panel retroillumináu.



Nivel 0



## Área de DESCANSU y LLAVABOS

Asitiáu nel NIVEL -1, puede llegase a ellos n'ascensor.

## Sala D'ESPOSICIONES TEMPORALES

Asitiada nel NIVEL -1, acueye puntualmente exhibiciones sobre diversos aspectos temáticos.

## TIENDA

Asitiada nel NIVEL 0 (planta d'entrada) contién una gran variedá de productos tematizaos: llibros material didácticu, oxetos de regalu y artesanía.

## Talleres NEÑOS

Otra modalidá de visita pa grupos d'escolares y pa families con neños ye al traviés d'un taller didácticu. Solicite información adicional na recepción del Muséu.

## AUDITORIU

Sala con capacidá pa noventa personnes, asitiada nel NIVEL 0 (planta d'entrada), xunto al Xurásicu Asturianu.

## EL CAFÉ DEL MUJA

Asitiáu nel esterior del muséu, baxo'l mirador, asitia l'edificiu qu'alluga'l Café del MUJA. Tien como especialidá los almuerzos y meriendes .

**MUSEO DEL JURÁSICO DE ASTURIAS**  
Rasa de San Telmo. 33328 Colunga - Asturias

**MÁS INFORMACIÓN Y RESERVAS**

[www.museojurasicoasturias.com](http://www.museojurasicoasturias.com)  
[info@museojurasicoasturias.com](mailto:info@museojurasicoasturias.com)  
902 306 600 / 985 868 000



GOBIERNO DEL  
PRINCIPADO DE ASTURIAS